



COMUNICADO DI PRENSA

Fecha: 24 di september 2009

No.: 16-2009

Oranjestad - Den curso di siman pasa, Comision Bon Boluntad (CBB) a manda un carta pa Ministro Presidente den cual ta expresa preocupacion pa cu cierto desaroyo den nos pais y a haci un apelacion riba Su Excelencia pa tuma e medidanan necesario pa mantene orden publico. CBB a ricibi un carta di Ministro Presidente, fecha 21 di september 2009, cual carta a wordo publica den medianan di prensa.

CBB a contesta e carta di Ministro Presidente, reaccionando riba diferente di e puntonan menciona. CBB a dedica atencion na e expresion di Ministro Presidente cu, tanten cu instancianan concerni ta faya den nan responsabilidad, y tanten cu e funcion di Ministro Presidente no wordo respeta, ta dificil pa mantene orden publico den nos pais. CBB a acentua di su parti cu Aruba como estado di Derecho ta provee instrumento legal pa garantiza Orden Publico y cu Gobierno tin suficiente institucion na su disposicion den esaki. CBB ta convenci cu tambe si en caso e institucionnan aki no ta funciona como debe ser, cu tin instrumento pa coregi esaki.

Por lo demas, CBB a apela riba Ministro Presidente pa demostra aprecio y reconocimiento pa desaroyo positivo den nos pais, algo sumamente critico den e proceso pa consolida nos democracia y pa fortalece e confianza den Gobierno. CBB ta kere cu un dialogo habri y respetuoso di parti di Ministro Presidente cu ciudadania, scuchando y respetando su preocupacion y su necesidad pa harmonia, lo conduci na e *union y solidaridad tan necesario den nos pueblo*.

CBB a reitera cu a trata tur keho y comentario cu a yega cerca dje na un manera responsabel y consistente.

Finalmente, CBB a ofrece su disposicion pa combersa cu Ministro Presidente tocante e tarea di CBB y a demostra su interes pa scucha sugerencia di Ministro Presidente pa mehora trabao di CBB.

Atentamente,

Na number di Comision Bon Boluntad,

Lydia Emerencia, Presidente

Secretariado di Comision di Bon Boluntad :

Tel. 582-1120 Ext. 34/41-Fax. 588-3200

E-mail secretariat@arubachamber.com

Website: www.arubachamber.com/ComisionBonBoluntad.htm